

徑山藏版

明 版

嘉興大藏經

第 十 八 冊

新文豐出版公司 印行

中華民國七十六年四月台一版

版權

所有



明版
嘉興大藏經

精裝全四十冊基價一、〇〇〇元正

版藏者 徑山 藏版
發行人 高 本 劍
發行所 新文豐出版股份有限公司

公司：臺北市雙園街九十六號
電話：三〇六〇七五七、三〇八八六二四
門市部：臺北市羅斯福路一段二十號八樓
電話：三四一五二九三、三四一五二九四
台北郵政三六四三信箱
登記證：局版臺業字第〇六四九號
郵政劃撥：〇一〇〇四四二六號

明版

嘉興大藏經 第一八冊目錄



一二三 大佛頂首楞嚴經玄義四卷 明傳燈述……………一

序……………一 卷三……………一八

卷一……………一 卷四……………二六

卷二……………九

一二三 大佛頂首楞嚴經合論十卷 宋德洪造論 正受釐論入經刪補……………三七

佛像……………三七 卷六……………七六

序……………三七 卷七……………八二

卷一……………三七 卷八……………九〇

卷二……………四六 卷九……………九九

卷三……………五四 卷一〇……………一〇七

卷四……………六〇 後序……………一一二

卷五……………七〇 重開尊頂法論跋語……………一一三

二二四 大佛頂首楞嚴經疏解蒙鈔十卷 卷首二卷 佛頂五錄八卷 清錢謙益述……………一五

佛像……………一五 卷首之二 諮決疑義十科……………一九

目錄……………一五 卷一之一……………二七

佛頂蒙鈔目錄後記……………一五 卷一之二……………三九

卷首之一 古今疏解品目……………一七 卷一之三……………四八

卷二之一	一五七	卷八之三	二九三
卷二之二	一六七	卷八之四	三〇五
卷二之三	一七七	卷九之一	三〇七
卷三之一	一八二	卷九之二	三一六
卷三之二	一九一	卷一〇之一	三二七
卷四之一	二〇〇	卷一〇之二	三三四
卷四之二	二一五	卷一〇之三	三四〇
卷五之一	二二六	佛頂五錄總目	三四五
卷五之二	二三二	卷一 佛頂圖錄第一	并序：三四五
卷六之一	二四二	卷二 佛頂序錄第二	并序：三四九
卷六之二	二五一	卷三 佛頂枝錄第三	并序：三五五
卷六之三	二五九	卷四 佛頂通錄第四	并序：三六八
卷七之一	二六三	卷五 佛頂宗錄第五	并序：三八〇
卷七之二	二七一	卷六 佛頂宗錄第五	：三九三
卷八之一	二七六	卷七 佛頂宗錄第五	：四〇五
卷八之二	二八七	卷八 佛頂宗錄第五	：四一一

二五 楞伽阿跋多羅寶經會譯四卷 明員珂會譯 四一九

序	四一九	卷三之上	一切佛語心品第三之上	四七四
卷一之上	一切佛語心品第一之上	卷三之下	一切佛語心品第三之下	四八五
卷一之下	一切佛語心品第一之下	卷四之上	一切佛語心品第四之上	四九七
卷二之上	一切佛語心品第二之上	卷四之下	一切佛語心品第四之下	五一二
卷二之下	一切佛語心品第二之下			四六〇

二六 楞伽阿跋多羅寶經義疏九卷 玄義一卷 明智旭撰述 五三一

玄義……………	五三一	○ 唐云無常品第三……………	五九二
卷一上 一切佛語心品之一……………	五三八	卷三下 一切佛語心品之三……………	六〇一
卷一中 一切佛語心品之一……………	五四九	卷四上 一切佛語心品之四……………	六〇九
卷一下 一切佛語心品之一……………	五五九	卷四下 一切佛語心品之四……………	六二〇
卷二上 一切佛語心品之二……………	五七〇	闍筆後序……………	六三二
卷二下 一切佛語心品之二……………	五八〇	跋語……………	六三二
卷三上 一切佛語心品之三（魏云佛心品第四）……………			

二七 大方廣圓覺經大疏十二卷 唐宗密述……………六三五

佛像……………	六三五	卷中之二……………	六六八
序……………	六三五	卷中之三……………	六七三
目錄……………	六三六	卷中之四……………	六八一
卷上之一……………	六三七	卷下之一……………	六八八
卷上之二……………	六四二	卷下之二……………	六九五
卷上之三……………	六四八	卷下之三……………	七〇一
卷上之四……………	六五五	卷下之四……………	七〇六
卷中之一……………	六六二		

二八 大方廣圓覺修多羅了義經直解二卷 明德清解 程夢暘校閱……………七一三

略疏序……………	七一三	後序……………	七四二
卷上……………	七一四	後跋……………	七四三
卷下……………	七二八		

二九 大方廣圓覺修多羅了義經要解二卷 明寂正要解……………七四五

序……………	七四五	卷上……………	七四五
--------	-----	---------	-----

卷下	七六四	後序	七七九
三〇 大方廣圓覺修多羅了義經句釋正白二卷		首卷一卷	七八一
序	七八一	明弘麗著	
首卷	七八二	弘贊校	
卷上之上	七九一	卷下之上	八二〇
卷上之中	七九七	卷下之中	八三一
卷上之下	八〇九	卷下之下	八四〇
		跋語	八四六

楞嚴首義敘

夫與經文心不易標指也唯智者本
師發旋陀羅尼起蓮法華具演
十妙結是教網無不炳著詳悉初至
義多然而心觀大部全體法華十妙
是知教觀殊表理無二轍也

大覺世尊於佛頂又揭振持所示
境觀者懸契焉但是曲後入真丹未
經判釋時味偏固莫知適從我百
相和尚書指百門所重玄之漸修慨
洞達釣三環而聽之玄樂也若先燈
兮不至世忤作楞嚴玄系四卷聖助

振持夙夜願見之意耶抑竟先師宗
諸沉疑之意耶望之偕不慧以三昧懺
灑於卷荷根得入流地故于多義三觀
十乘義理行證無不完亮而為示之即
雲山大蘇相與首肯不慧篇端附言大
覺座不問序序之明乎然也此皆多

闡派亞既時真振筆萬以排吾心為

並智值登伽為樂境觸目教觀多懷
聲感亦未況為可憐慈者即諄諄
至誥無事何予亡物多之何
萬曆丁酉春季沙門傳如書於西涇
三九沙懺堂

大佛頂首楞嚴經玄義卷第一 并序

天台山幽溪沙門 傳燈 述

夫大佛頂首楞嚴之為法也去來惟一生成恒如
性七大而互周妙三科而等入真空真色因緣自
然之四計圓離性色性空俗有真無之二偏絕寄
方平寶鑑類彼摩尼三諦之齊齊像歸十界之穢
穢珍雨為衆妙之靈府為萬善之玄基安方廓方
不可名而強名如來藏希方夷方無得稱而寓稱
常住心既衆生之性倒也昧斯一理融通局彼知
見殊異或塗空而割有錯亂乎修習之門或賤邊

楞嚴義卷

乙二

而貴中肯綮於僧祇之劫在凡夫則計內計外在
外道則執斷執常類皆以真知為妄知如迷頭而
逐影以妄見為真見似棄海而認漚如來說為可
憐愍者此大佛頂首楞嚴經之所以說也此經唯
宣勝義獨被圓機剖常心於生滅之中指駛流為
論水會藏性於色空之內鏡額瘡為髻珠酬諸佛
菩提達道陰入處界本如來藏而體之即神詰安
婆圓通本根理智根塵諸生滅法而亡之俱寂舉
要言之聞思修而皆妙戒定慧以俱圓正與助而
並顯顯與密而雙運歷因果始終之階級恭風送

逝川之舟推生死見愛之波句裂歌銷隣虛之雪
信所謂方等實相之真詮大事因緣之先容也聲
聞在昔教行於今後五百年均一佛日爾時祇桓
精舍既有妙悟阿難此國摩訶支那寧無宿根上
士第為經文語活佛言意玄解者唯緝綱而秘於
綱學者舉棄綱而投諸網矣故有窮年教苑研幾
而莫得融通矧彼畢世禪關索隱而能之解脫者
乎燈獲瞻秘語聽學有年譬入海而弄砂徒頭眩
而自困既而掩卷思義置解尋經無讀台宗乃有
餘地非唯悟楞嚴為法華之要綱抑以見智者恆

如來之本心談藏性則冥符性具之宗說止觀則暗合大定之旨乃至懸判地位預防陰魔一切名言靡不彈契噫王泉慈雲幾千萬言人無證者佛隨西望數十餘載蓋有以焉今輒秉斯義游仰踞經王以佛心印佛心不亦培助明即楞嚴釋楞嚴就謂以水瀾乳微文立義略擬懸談學懸踈野而詞愧不文言肆支離而義求或常動焉四卷實諸同志匪圖取捷於龍門叩託逸塵於驥尾云耳將釋此經玄義五重初釋名二辨體三明宗四論用五教相就此五章大分爲二初總釋二別釋總

釋又二初生起二簡別生起者光明玄義云此娑婆國土以音聲爲佛事或從善知識所聞名或從經卷中聞名故在初以聞名故次識法體體顯次行行即是宗宗成則有力力即是用用能益物益物故教他聞名是自行之始施教是化他之終有始有卒者其唯聖人乎五章生起次第如此次簡別者簡是料簡問若略則唯一若廣則無量今此五章進不是廣退不是略何故五耶答非略非廣非略故不一非廣故不多廣則今智退略則義不周我今處中說公義易明了五章中當其義如

三

三

此別者分別也前一章總三法共爲名次三章派三法以爲別後一章無總別而明教相也又顯體一章明理餘四章明事又前三章是因後二章是果又前四章是行後一章是教又前四章是自利行後一章是利他行又前四章是聖聖然後一章是聖說法如此等種種分別料簡云云二別釋者別釋五章也先解釋名章爲二初詳定經題二解釋經題初詳定者若依經中如來答文殊問名其稱有五一日大佛頂悉怛多般怛囉無上寶印十方如來清淨海眼一日救護親因度脫阿難及此

會中性比丘尼得菩提心入徧知海一日如來密因脩證了義一日大方廣妙蓮華王十方佛母陀羅尼咒一日灌頂章句諸菩薩萬行首楞嚴今譯人標題則存三隱二所謂以約該博也蓋如來立名之意必隨所詮而設一經大旨不出體宗力用今五名中初云大佛頂悉怛多般怛囉無上寶印十方如來清淨海眼此兩從體德功用而立稱也亦名救護親因度脫阿難及此會中性比丘尼得菩提心入徧知海此單從功德而立稱也亦名如來密因脩證了義此單從宗要而立稱也亦名大

三

四

方廣妙蓮華王十方佛母陀羅尼咒此兩從體德宗要而立稱也亦名灌頂章句諸菩薩萬行首楞嚴此單從宗要而立稱也夫宗要者一經之主也體德者宗要之所歸也功德者宗要歸體之所自至者也功德自至雖緩而弗舉亦未爲過惟體德宗要不可偏廢故今於體德舉其要而標之曰大佛頂雖三字之少已能囊括衆德矣何則蓋大佛頂者三德秘藏之異稱也如大以法身當體得名佛以般若普覆爲義頂以解脫無染立稱即悉怛多般怛囉之大白傘蓋也此大佛頂楷定諸法無

三

三

諸魔事即一實相之無上寶印也此大佛頂廣大圓滿軌持萬法居染不汙自在稱尊即大方廣妙蓮華王也此大佛頂遮一切惡持一切善出生十方諸佛即十方佛母陀羅尼也若灌頂章句則出此經流出之所自以密語言之亦不出乎密因二字蓋密有微密之密秘密之密故也此蓋譯人善巧撮略有方只此一十九字略舉體德備取宗要檀五名之稱謂召一經之旨歸故云大佛頂如來密因脩證了義諸菩薩萬行首楞嚴第二解釋經題又爲二初通別合釋次通別各釋初義者光明

玄義云夫教有通別依教明行行有通別從行顯理理有通別且置行理但明教通別者夫理無名字名字顯理如虛空無丈尺丈尺約虛空天王般若云總持無文字文字顯總持若從能顯之文字是名則通若從能顯之所以此名則別云何爲通如聖所說一經一時一處一部一偈一句一言皆是文字從此文字通稱爲經云何爲別別則有四一今世諦不訛歡心悅耳二逗化所宜問發宿善三對其業障今惡滅罪除四點示道理霍然妙悟悅宜對悟各各所以其致不同稱之爲別譬如璣

梅和合成種種滋味組織縱橫成種種文錯從別所以故有大佛頂等一十九字標今教異於諸教從通文言故有經之一字衆經通稱也今經通別合標故云大佛頂云云次通別各釋爲二先釋別次釋通釋別又二先定名次解釋定名者今家釋諸經別名別相最多取要立名不出三種謂人法譬於此三中復有單三複三并具足一以成七別今於七名之中而定此經當複三中入法爲名也於人法中各有因果大佛頂果法也如來果人也密因萬行因法也諸菩薩因人也脩證了義首楞

三

三

三

六

嚴則該因該果此經因果人法合標故云大佛頂云云次解釋爲二初解大佛頂等十六字次解首楞嚴初中大佛頂如來密因脩證者夫密有微密之密秘密之密今此密以義該二種一是當機所請妙奢摩他三摩禪那舉一即三言三即一故稱爲妙妙即密也以此爲因故稱密因一是如來所宣神呪諸佛密言人莫能測故稱爲密今行人持此以登聖果故稱密因然顯密之行雖殊而所依之理同如來藏又必顯密雙脩方能證入果位故以一名而召兩行矣謂之如來密因者在顯言之

所謂此奢摩他等是十方如來得成菩提者在
客言之所謂此悉但多般但羅十方如來因此持
此得成正覺者也謂之大佛頂如來者此指宣說
神呪之化佛也是世尊頂放百寶無畏光明之所
化者故曰大佛頂如來佛稱爲大者梵云摩訶也
古人或云不可翻以含大多勝三義故經論云
梵云摩訶謂大多勝爲此方文字義無兼含故不
可翻今題中單翻大者由此方大字字雖不含義
實該博如老子云域中有四大而王處一焉所謂
道大天大地大王者亦大然王者人耳而所以與天

奢摩他義

七

地比大者誠由道致中和得其勝位天地位而萬
物育也致中和而天地位此同天地爲大也萬物
均育此以多爲大也又得其勝位此以勝爲大也
又如世人稱父母長上爲大人此亦勝爲大也沙
門稱多衆爲大衆此亦多爲大也是則此方大字
義亦多含難以單翻理無所失今先約梵音無含
以釋大佛次約明言當體以釋大佛初善含釋者
釋論云摩訶含大多勝者大取包廣多取含攝勝
取秀出章安云法身法界遍一切處是廣大義報
身智境照發相應不可窮盡是含攝義應身自在

無能過絕是勝出義是則法報應三俱稱大佛今
若唯約應佛之勝而釋此藏通之大佛也唯約報
身之多而釋此別教之大佛也唯約法身之大而
釋此圓教之大佛也此所說經既是圓經能說教
主合是圓佛雖是圓佛據現跡觀乃屬應身但此
應身其來有本其本者何所謂法報是全此法報
所垂之應只應身即是法報故華嚴云清淨妙法
身湛然應一切天台云水銀和真金能塗諸色像
功德和法身處處應現往故知未嘗有法報而不
垂應身亦未嘗有應身而不即法報但隨機見不

同或勝劣之差降耳今經當機乃用業識而見則
佛依中理而應依中而現豈不即法即報者耶故
經述得讚云妙湛總持不動尊妙湛讚真諦即報
身也總持讚俗諦即應身也不動讚中道即法身
也蓋由當機妙悟洞見法源故形言於口稱性而
讚今題目是總豈不以總而貫於別是故此之大
佛須約三義而釋即法大報多應勝也言法大者
所謂大取包廣法身法界遍一切處是廣大義普
賢觀經云毘盧遮那過一切處此經云空生大覺
中如海一漚發即法身廣大義也報多者所謂多

取含攝報身智境照發相應不可窮盡是含攝義
經云我以不滅不生合如來藏而如來藏唯妙覺
明圓照法界是故於中一爲無量無量爲一小中
現大大中現小乃至非心非空等即報身不可窮
盡義也應勝者所謂勝取秀出應身自在無能過
絕是勝出義經云不動道場過十方界身含十方
無盡虛空於一毛端現寶王刹坐微塵裏轉大法
輪即應身自在無能過絕義也此以三字對釋三
身如此若以三字共釋一身者則法身不唯大亦
多亦勝報身不唯多亦勝亦大應身不唯勝亦多

奢摩他義

九

亦大法身三者大義如前法多者法身具足諸法
非如大虛迫無一物故觀經云毘盧遮那徧一切
處一切諸法無非佛法此經云陰入處界本如來
藏性色真空等清淨本然周徧法界即法身含攝
多義也法勝者此之法身如彼圓伊當上一點寂
尊無上爲報應二條所歸故天台云如衆星之環
北辰萬流之宗東海即法身秀出勝義也報身三
者報智既與法性相應相冥法身遍一切處報身
亦遍一切處故般若云佛說非身是名大身即報
身廣博義也報多準前又報智以法門爲身所謂

第一義爲善八萬陀羅尼爲髮無漏爲鼻等云云
亦報身含攝多義也報勝者前之法身即名爲勝
乃素法身未有莊嚴今之報智莊嚴法身功德號
巍斯名爲勝如家有寶藏不探似人人孰知勝要
須耘除穢穢掘出金藏五慾自恣人乃稱歎此大
富人大勝人矣又報智即法法身勝故報身亦勝
即報身秀出勝義也應身三者如無量壽佛應極
樂國高六十萬億那由他由旬淨華宿王智佛應
淨光莊嚴國高六十八十萬由旬釋迦世尊應東
方莊嚴國別號照明莊嚴自在王佛佛身高大壽

奢摩他義

十

命長遠等即應身廣大義也應多者此經云一中
無量無量中一稱性而應隨機而見何可數量即
應身含攝多義也應勝準前又如云天上天下唯
吾獨尊等即應身秀出勝義也又應即法報法報
大應亦大乃至法報勝應亦勝此則舉一即三言
三即一不縱不橫微妙寂絕故稱大佛約梵音無
含釋竟更約明言當體釋者夫佛乃萬德之都名
大是衆實之美稱豈得以區區一義局彼太虛今
尋天台成義後用十種果德釋之雖稱十法而佛
之萬德亦包括殆盡言十法者所謂一理大二誓

願大三莊嚴大四智斷大五通智大六道大七用
大八權實大九利益大十無住大一理大者所謂
究竟三德秘藏一切佛法故一切佛法即性具十
法界陰入處界等也三德秘藏即如來藏性色真
空性色真空等清淨本然周徧法界也此三德一
切佛法唯佛與佛乃能究竟盡故經云我以不滅不
生合如來藏而如來藏俱非俱即等故理大也二
誓願大者所謂究竟圓滿三種菩提無緣慈悲無
作私誓普覆法界故經云入於如來妙莊嚴海圓
滿菩提歸無所得妙莊嚴海是福究竟即方便菩

提本是生緣慈悲圓滿菩提是智究竟即實智菩提亦是法緣慈悲歸無所得是理究竟即真性菩提亦是無緣慈悲又當機讚佛云大雄大力大慈悲故誓願大也三莊嚴大者所謂究竟不可思議解脫首楞嚴寂照大定成就一切萬行諸波羅密故經云塵銷覺圓淨寂照含虛空又云等覺圓明入於如來妙莊嚴海經初云有三摩提具足萬行故莊嚴大也四智斷大者所謂菩提涅槃究竟圓斷法界無明生死故經云覺迷迷滅覺不生迷喻云譬如金鑛雜於精金其金一純更不成雜如木

成灰不重爲木諸佛如來菩提涅槃亦復如是故
智斷大也五徧知大者所謂究竟五眼圓見法界
三諦如風於空中一切無障礙故經云我以不滅
不生合如來藏而如來藏唯妙覺明圓照法界又
云如我按指海印發光故徧知大也六道大者所
謂究竟圓入一切法門以二十五王三昧冥益衆
生故經云摩登婁女無心修行神力冥資速證無
學故道大也七用大者所謂究竟身口意業能顯
一切神通謂三輪不思議化彌滿法界顯益衆生
故經云一中無量無量中一小中現大大中現小

不動道場遍十方界身含十方無盡虛空於一毛
端現寶王剎坐微塵裏轉大法輪故用大也八權
實大者所謂究竟一切權實之法能爲實施權開
權顯實今諸衆生入一乘道故經云我以妙明合
如來藏十界三諦俱非此以實智究盡諸法之實
也十界三諦俱即此以權智究盡諸法之權也離
即離非是即非即此權實泯合也又云今汝會中
定性聲聞及一切未得二空回向上乘阿羅漢等
皆獲一乘寂滅場地故權實大也九利益大者所
謂究竟嚴淨一切佛土能以一切世出世法利益

衆生故故此經能令發伽證於四果常機頓復法
身及今普會獲本妙心常住不滅又選圓通竟普
會大衆凡有十恒河沙皆得本心遠離塵垢復法
眼淨無量衆生皆發無等等三菩提心祇此一會
利益尚爾况餘經餘處耶故利益大也十無住大
者一切究竟不住究竟一切圓滿無圓滿故經云
入於如來妙莊嚴海圓滿菩提歸無所得故無住
大也第一還是法身大多勝二三四五并第十選
是報身大多勝七八九還是應身大多勝三身不
縱不橫復見于此是則兼含及以當體皆不出三

身之義三身乃十種三法之一三法體通舉一經
目而九種三法隨來矣蓋由三德具足諸法聚集
名爲三身若此三德尊重即是三寶三德不生不
滅即是三涅槃三德運載負荷即是三大來三德
不可異趣名三菩提三德覺了清淨名三般若三
德是如來種名三佛性三德分別不謬是名三識
三德即事通理名爲三道大則十種三法俱大多
則十種三法俱多勝則十種三法俱勝不並不別
故稱大佛經云我以不滅不生合如來藏十界三
諦若以意會十種三法文義俱成言大佛頂者世

尊肉髻無見頂相也頂門爲無上果亦表第一義諦如來者大佛頂放百寶無畏光明出生千葉寶蓮有佛化身結跏趺坐宣說神呪之化佛故曰大佛頂如來夫頂居大佛之首佛從頂光而化顯此如來彌爲玄極故如來自云斯是如來無見頂相無爲心佛惟三身玄極故有此頂有此頂相故能於中放光現佛有此心佛故能宣說心呪有此心呪故能使惡呪銷滅嬖心頓除神力冥資速證無學乃至能令十方如來因此執此等得成正覺降魔轉法輪授記付法等事蓋此神呪乃融即三身

大佛所證秘藏之理全呪是佛全佛是呪一如無二如者也如來證此故能懾魔阿難迷此是以遭難至此方挹沅尋源聞香討根乃以首楞大定爲請蓋大佛三身實由妙奢摩他等所剋故經請云十方如來得成菩提妙奢摩他三摩禪那而經題亦因之而召爲大佛頂如來密因矣釋此密因爲二初顯次密顯復爲三初定名次定體三正釋定名者此奢摩他等三名皆資中沆師唯以天台三觀而解彼云準圓覺經奢摩他以寂靜爲相三摩提以幻化爲相禪那俱離寂靜爲相此大意與一

俱離相即中觀也孤山圓師唯以天台三止而釋
蓋準涅槃經中奢摩他此云止毘婆舍那此云觀
優畢又此云止觀等今經三名旣與涅槃一同二
異乃於彼奢摩他中開出三義爲奢摩他三摩禪
那也而雲間師乃評之云今觀二師之釋孤山所
得多矣且如圓覺三法經中亦名爲定如彼經云
爾時便有二十五種清淨定輪云云又偈云辨音
汝當知一切諸菩薩無礙清淨慧皆從禪定生所
謂奢摩他三摩提禪那是知彼圓覺尚可直作三

止而釋然今經乎矯淫繁顯以奢摩他當定又圓覺三摩名等持禪那名靜慮並是定法名義三止消文復何疑乎今詳雲間所評引圓覺證成今名可作定釋則孤山以三止消文所得果多蓋雖定體融通止即是觀而所主之者須從於別如吳興所謂阿難旣以多聞小慧自咎正以楞嚴大定爲請也二定體者前之定名欲從所主故偏以定稱若三止之體體無所局故孤山亦會通云此之三止即是三觀以即照而寂即寂而照故奢摩他即空觀三摩即假觀禪那即中觀所以天如會解引

孤山三止已乃云今復釋而明之奢摩他寂靜之義也三摩觀照之義也禪那寂照不二之義也此蓋復出孤山會通之義耳况經云是種種地皆以奢摩他中毘婆舍那清淨修證又云此是過去先佛世尊奢摩他中毘婆舍那云據此二文則不唯此定止觀融通彌顯孤山三止消文當於經旨以云奢摩他中毘婆舍那故第三止釋者約前會通之義雙明止觀也涅槃經中三名奢摩他此云止毘婆舍那此云觀優卑又此云止觀等今經三名雖與一同二異後文既云奢摩他中毘婆舍那故

奢摩他義卷一

其

須雙約止觀而釋於止觀中各開三義謂體真止方便隨緣止息二邊分別止從假入空觀從空入假觀從空假入中道觀今抄止觀成文以明斯義初釋止觀名次釋止觀體初釋名者大師云止觀各有三義止三者息義停義對不止止義息義者諸惡覺觀妄念思想寂然休息淨名曰何謂攀緣謂緣三界何謂息攀緣謂心無所得此就所破得名是止息義停義者緣心諦理繫念現前停止不動仁王云入理般若若名爲住大品云以不住法住般若波羅密中此就能止得名是停止義對不止

以明止者語雖通上意則殊何者上兩止對生死之流動約涅槃論止息心行理外約般若論停止此約智斷通論相待今別約諦理論相待無明即法性法性即無明無明亦非止非不止而無明爲不止法性亦非止非不止而法性爲止此待無明之不止而與法性爲止如經云法性非生非滅而言法性寂滅法性非垢非淨而言法性清淨是爲對不止而明止也觀三義者貫穿義觀達義對不觀觀義貫穿義者智慧利用穿滅煩惱大經云利觀斷地磐石沙礫直至金剛法華云穿鑿

高原猶見乾土施功不已遂漸至泥此就所破得名立貫穿觀也觀達義者觀智通達契會真如端應經云息心達本源故號爲沙門大論云清淨心常一則能見般若此就能觀得名故立觀達觀也對不觀觀者語雖通上意則殊上兩觀亦通對生兜彌密而論貫穿迷惑昏盲而論觀達此通約智斷相待明觀今別約諦理無明即法性法性即無明無明非觀非不觀而與無明爲不觀法性亦非觀非不觀而與法性爲觀如經云法性非明非暗而與法性爲明第一義空非智非愚而與第一

義空爲智是爲對不觀而明觀是故止觀各從三義得名更從絕待會通三次釋止觀體分三初次第三止二次第三觀三一中三止觀次第三止者一體真止止於重諦二方便隨緣止止於俗諦三息二邊分別止止於中道第一義諦體真止者諸法從緣生因緣空無主息心達本源故號爲沙門知因緣假今幻化性虛故名爲體緣緣妄想得空即息空即是真故言體真止方便隨緣止者若二乘同以無言說道斷煩惱入真真則不異但言煩惱與言有盡不盡若二乘體真不須方便善

奢摩他義卷一

大

薩入假正應行用知空非空故言方便分別藥病故言隨緣心安俗諦故名爲止經言動止心常一亦得證此意也息二邊分別止者生先流動涅槃保證皆是偏行不中道今知俗非俗俗邊寂然亦不得非俗空邊寂然名息二邊此三止名雖未見經論映皇三觀隨義立名釋論云菩薩依隨經教爲作名字名爲法施立名无咎若能尋經得名即懸合此意也雲開榜嚴補遺云孫山以大師三合云故止觀云此三止名雖未見經論映皇三觀隨義立名云云今果得之標嚴矣今謂圓覺三止名顯云是定亦非謂之標嚴矣今謂圓覺三止名顯二經又云準涅槃云善男子爲三事故修奢摩他

何等爲三一者不放逸故二者持戒嚴大僧故三者得自在故後次爲三事故修止觀是彼合何等爲三三者爲破諸煩惱故修止觀二名爲增長諸善故是三止三觀之明文次第對義在文不差故谷聲之明證也而與西國諸論之三止觀若符若契然大經見涅槃而不指之者豈非欲使學者自得之乎詳此三止與前釋名名旁異同其相則異同者止息止似體真停止止似方便隨緣非止止似息二邊其相則別所謂三諦相也前三成次三後一具前三何以故如體真止時達因緣假名空無主流動惡息是名止息義停心在理正是達於因緣是停止義此理即真真即本源源不當止與不止

奢摩他義卷一

九

是非止止義此三義其成體真止若方便止時照假自在散亂無知息是止息義停心假理如淨名入三昧觀比丘根性分別藥病是停止義假理不動是非止止義如是三義其成方便隨緣止和也息二邊分別時生死涅槃二相俱息是止息義入理般若名爲任緣心中道是停止義此實相理非不止是不止止義如此三義其成息二邊止相故與前未異也亦非今所用也二次第三觀者一從假入空觀亦名二諦觀二從空入假觀亦名平等觀三二空觀爲方便得入中道第一義諦觀心

心寂滅自然流入薩婆若海此名出纏絡經今釋其意假是虛妄俗諦也空是審實真諦也今欲去俗歸真故言從假入空觀假是入空之詮先須觀假知假虛妄而得會真故言二諦觀此觀若成則證一切智也從空入假觀者若住於空與二乘何異不成佛法不益衆生是故觀空不住於空而入於假知病識藥應病授藥今得服行故名從空入假觀而言平等者望前稱平等而破假用空今破空用假破用既均故言平等觀此觀成時證道種智二空爲方便者初觀空生起次觀空涅槃此之

二空為雙邊之方便初觀用空次觀用假此之二
用為雙照之方便心歸趣入薩婆若海雙照一
諦也此觀成時證一切種智是為次第第三觀也此
三觀與前三觀名一往似同義相則異前貫穿觀
觀諸虛妄似從假入空觀達觀達理和達理事
和似從空入假不觀觀似中道觀其相異者前是
一諦相今是三諦相又前三通成後三後三具足
前三所以者何如從假入空破四住磐石是貫穿
觀所入之空空即是理智能顯理即觀達觀此之
空理即是非觀觀義如此三義共成入空觀相也

從空入假亦具三義如識假名法破無知障即貫
穿義照假名理分別無謬即觀達義假理常然即
不觀觀義也此之三義共成假觀相也中道之觀
亦具三義空於二邊即貫穿義止入中道即觀達
義中道法性即不觀觀義如此三義共成中道觀
相也三明一心中三止觀者依前摩訶衍明三止
三觀之相以義隨相條然各別若論三觀則有權
實淺深若論三智則有優劣前後若論三人則有
諸位大小此則次第分張非今所用也圓頓止觀
相者以止緣於諦則一諦而三諦以諦繫於止則

楞嚴義卷一

三

一止而三止譬如三相在一念心雖一念心而有
三相止諦亦如是所止之法雖一而三能止之心
雖三而一也以觀緣於境則一境而三境以境發
於觀則一觀而三觀如摩羅首羅面上三目雖是
三目而在一面境觀亦如是觀三即一發一即三
不可思議不權不實不優不劣不前不後不並不
別不大不小故中論云因緣生法即空即假即中
金剛般若云如人有目日光明照見種種色若眼
獨見不應須日若無色者雖有日眼亦無所見如
是三法不異時不相離眼喻於止日喻於觀色喻

於境如是三法不前不後一時論三三中論一亦
復如是若見此義即解圓頓止觀相也何但三一
一三總前諸義皆在一心其相云何體無明顛倒
即是實相之真名體真止如此實相遍一切處隨
緣歷境安心不動名隨緣方便止生先涅槃靜散
休息名息二邊止體一切諸假悉皆是空空即實
相名入空觀達此空時觀冥中道能知世間生滅
法相如實而見名入假觀如此空慧即是中道無
二無別名中道觀體真之時五住磐石砂礫一切
休息名止息義心緣中道實相慧名停止義實相

楞嚴義卷一

三

之性即非止非不止義又此一念能穿五住達於
實相實相非觀亦非不觀如此等義但在一念中
不動真際而有種種差別經言善能分別諸法相
於第一義而動雖多名字蓋是般若之一法佛
說種種名眾名皆圓諸義亦圓相待絕待當體不
可思議不可思議故無有障礙無有障礙故具足
無礙是圓頓顯止觀體也孤山云阿難始以三法
為請既蒙開示不至手領解還以三法而歎於佛故
經云妙湛總持不動尊妙湛即空智也總持即假
智也不動即中智也及佛為富樓那說如來藏本

妙圓心非心非空即心即空離即離非三諦炳然
如指諸掌及為阿難說六解一二而結歎云是名
妙蓮華金剛王寶覺如幻三摩提華開蓮現喻即
中也金剛堅利喻即空也如幻有形喻即假也洎
文殊簡圓通亦以此為歎故曰阿難汝諦聽我承
佛威力宣說金剛王如幻不思議佛母真三昧但
以佛母喻中道為異耳其於諸文重重演說一一
破迷或用乎空或談乎假或顯乎中言偏意圓悉
具三法蓋酬阿難三止之請也今謂妙湛總持等
三法亦可作止觀各三名而釋如妙湛及金剛王

等即止息貫穿也總持及如幻等即停止觀達也
不動及妙蓮等即對不止止不觀觀也是則奢摩
他等三隨舉其一皆具妙湛等三義經云此阿毘
達磨禪指超無學此之謂矣惟此圓融故稱為妙
妙即密也言密因修證者經云是種種地皆以奢
摩他中諸如來毘盧舍那清淨修證漸次深入故
云密因修證顯顯竟次密者入道場誦持神呪也
經明四種律儀已乃云若有宿習不能滅除汝教
是人一心誦我佛頂光明摩訶悉怛多般怛囉無
上神呪乃至示以結壇之法定以克證之期其為

行者進修取為詳盡但依經設壇其費大富末世
緣薄鮮能辦之於中所立期限共四等合一百二
十一日後坐禪百日既云端坐安住則入道之方
依奢摩他以脩大定不俟告而知矣何前初七
中云至誠頂禮十方如來諸大菩薩阿羅漢諸恒
於六時誦呪圍壇至心行道一時常行一百八遍
第二七中一向專心發菩提心無間斷我毘奈
耶先有願教第三七中於十二時一向持佛般怛
囉呪云云昔吳興岳師嘗按此述脩證儀一卷今
雖殘闕若依天台諸懺通軌亦略可知惟其行道

楞嚴義卷一

三

誦呪之頃既涉繁動之緣苟不以理觀而專事行
滅罪或難期夫結壇軌則種種取象言不唐施故
溫陵師等皆取意以明表法所謂法王法言即事
即理也又且神呪秘密唯佛證知乃密詮三諦之
境而稱之為摩訶悉怛多般怛囉呪心蓋有以焉
是故行者登壇之時必宜事理兼行顯密雙運如
四明師之言三種懺法云法雖三種行在一時寧
可關於前而不待虧於後後無生寂要取相尚寬
蓋妙觀之宗是大乘之主滅障如翻大地草木皆
枯顯德如照澄江森羅盡現以此理觀導乎事行

則一禮一旋罪消塵刹一燈一水福等虛空此蓋法華三昧之功勳也彼既如是此亦宜然蓋一心定慧說於呪先四十四心明於此後理須秉定慧而持神呪藉顯密以歷聖階矣次了義者褒美此經所說義無不了也淨名寶積及涅槃等經皆云依了義不依不了義寶積經舍利弗問何等經中名爲了義何等經中名不了義佛告舍利弗云若諸經中宣說世俗名不了義宣說勝義名爲了義宣說作業煩惱名不了義宣說煩惱盡名爲了義義宣說厭離生死趣正涅槃名不了義宣說生死

楞嚴義卷一

三

涅槃無二無別名爲了義宣說種種文句差別名不了義宣說甚深難見難覺名爲了義今經云如來今日普爲此會宣勝義中真勝義性即寶積宣說勝義名爲了義也經云入妙莊嚴海圓滿菩提歸無所得即宣煩惱盡名爲了義也經云陰入處界本如來藏即生死涅槃無二無別名爲了義也經云我以不生不滅合如來藏云云即宣說甚深難見難解難覺名爲了義也次諸菩薩萬行者藏通別教皆有菩薩雖可稱諸非今經意今則始從乾慧終至等覺五十六位階級不等故名爲諸

萬行者即大品般若所說一切佛法諸三昧門所謂百八三昧五百陀羅尼及諸解脫大慈大悲一切種智五眼六神通三明八解脫十力四無所畏十八不共法三十二相八十種好六波羅密三十七品四弘誓願四無量心如意神通四攝法等諸法故大品萬行中偈云從初發心至成佛一身一心一智慧欲爲教化衆生故萬行名字差別異然此經題雖云萬行而十軸內都不見列一兩種行名但云有三摩提名大佛頂首楞嚴王具足萬行是知題中雖稱萬行實不俟乎別修蓋此密因是

首楞嚴定能獲此定則種種萬行法爾現前故南嶽思大禪師釋萬行云如是無量佛法功德一切皆從禪生蓋衆生心性本來具足如是佛法故經云陰入處界本如來藏惟行人修此定時直下照了具足諸法則無量功德功至自至故昔天台一時代南嶽講般若若至一心具萬行處忽有所疑思師因誡之曰如汝疑者乃大品次第意耳未是法華開顯旨也吾昔於夏中一念頓證諸法現前吾既身證不必疑矣以此而知則今經萬行之稱特是表顯密因之妙故云有三摩提名大佛頂首楞

楞嚴義卷一

三

嚴王具足萬行也次釋首楞嚴者涅槃經云首楞者名一切事竟嚴者名堅一切畢竟而得堅固名首楞嚴今人釋此名義多分單約定解若然豈大佛頂等非首楞嚴耶別涅槃經云一切衆生盡有首楞嚴定首楞嚴定亦名般若亦名金剛三昧亦名師子吼亦名佛性且佛性非大佛頂耶三昧嚴若非密因萬行等耶師子吼非了義耶昔孤山師以教行理三悉號楞嚴而釋蓋有旨焉但孤山三法於經攝義雖足在題主對猶疎今當別約天台八法一一主對釋之謂教理智斷行位因果蓋大

楞嚴義卷一

三

佛頂者理也如來者果也密因者智也修證者斷與位也了義者教也諸菩薩者因也萬行者行也故此八法非唯詮義具足亦乃深合經題釋此爲二初約八法行布釋次約諸字圓融釋初八法行布釋爲三初生起二料簡三正釋生起者八種中教爲能詮故居其首七爲所詮故居其後於七種中理爲所照屬性智爲能照屬修非所照之理不能起能照之智故先理次智也智既起已必能斷惑故第四明斷也惑斷理顯種種萬行由之而生故次斷說行也智斷行發淺深不同故有位次也

望果德以修因行由因行以克果德智斷行位其非其事故有第七第八總說因果也二料簡者問智之與行有何差別答智分因果行唯在因問因智與行復何差別答若略作教行理說則因智亦名爲行故廣明八法則因智三止行名萬行矣問位次因果有何差別答因果爲能歷位次爲所歷又位次開說因果因果總說位次也問此八種中爲各各異爲互通答亦異亦通異如何說通者如一經總是八法離能詮無所詮離所詮無能詮故教具七也全理起智無別有智此智能斷離智

楞嚴義卷一

三

無斷理顯行彰行是理行六種即理名爲位次大乘因果不離實相故理通也智是理智斷是智斷智是首楞具足萬行全理之智雖無淺深淺深宛然雖無因果不離因果故智通也全理之智能斷此惑斷故發行而有淺深不同因果各異故斷通也即理之智能具萬行智斷彼惑萬行斯顯行顯淺深則有位次因果故行通也六種妙位皆即於理雖皆即理六位有殊智爲能歷位爲所歷智斷惑故自淺之深前五爲因後一爲果故位通也實相因果無差而差智斷行位條然有異因果實相

楞嚴義卷一

三

差而無差智斷行位無不即理故因果通也三正釋者釋此依數爲八先理次智三斷四行五位六因七果至於第八方明教相何故爾耶以教無別體祇是七種能詮之聲色耳若七種理顯即是教顯後略分別爾爲容易故也於中初明理即經中所詮三諦理也此三諦理偏在十界依正之上若離此則無所寄經明陰入處界本如來藏此之謂也釋此爲二初堅約十界明三諦次橫約十界明三諦初堅者此之名義出仁王經絡二經彼云一者有諦二者無諦三者中道第一義諦初有諦者

謂二十五有衆生妄情所見名之爲有如彼情見
審實不虛名之爲諦亦名俗諦虛假凡俗故亦名
世諦涅槃所謂如世人之所見者名爲世諦此以
六凡法界爲俗諦也二無諦者三乘聖人所見真
空之理無名無相故名爲無審實不虛目之爲諦
亦名真諦真實不虛故亦名第一義諦涅槃所謂
如出世人之所見者名第一義諦此以聲聞緣覺
兩法界爲真諦也三中道第一義諦者遊二邊說
名爲中此理虛通無壅無塞稱之爲道取上無過
故名第一深有所以目之爲義諸佛菩薩之所證

見審實不虛命之爲諦故言中道第一義諦此以
佛菩薩兩法界爲中諦也次橫約十界明三諦者
此三諦義出中觀論云因緣所生法我說即是
空亦名爲假名亦名中道義十法界皆是因緣生
法以佛種從緣故我說即是空十界緣起皆真也
亦名爲假名十界緣起皆俗也亦名中道義十界
緣起皆中也此是橫約十界以詮三諦今釋此二
種三諦爲三初名義整足不整足二理體圓融不
圓融三理體可壞不可壞初義者因教中藏是界
內拙度但詮森羅萬象之俗偏空涅槃之真故稟

三 楞嚴義卷一

三

教人至於果成灰斷而已界內通教雖名爲巧其
所詮者亦只二諦是故稟茲教者同於三藏灰身
滅智以爲圓極若界外別教教雖不融而初心亦
聞但中之名是故稟茲教者以三十心成二觀方
便已登於初地得證中道但彼教行歷別而猶未
知十界橫具三諦義也若今經三諦則備茲二義
如云而如來藏非心非空非地水火風非眼耳鼻
舌身意非色聲香味觸法非眼識界乃至非意識
界此所非者即總絡仁王所謂二十五有妄情所
見之俗諦也又云非無明乃至非老死非無明盡

乃至非老死盡非苦集滅道非智非得此所非者
即仁王總絡所謂出世聖人所見之真諦也又云
非檀那乃至非般刺若非阿羅訶三藐三菩非大
涅槃非常樂我淨此所非者即仁王總絡所謂諸
佛菩薩所見之中道第一義諦也此是十界豎義
橫義者如十界併非此則通以十界爲真諦也云
何併非以如來藏本妙圓心體絕情僞故次十界
併即此通以十界爲俗諦也云何俱即以如來藏
元明心妙性具十界故次離即離非是即非即此
通以十界爲中道第一義諦也云何俱即俱非以

三 楞嚴義卷一

三

如來藏妙明心元雖即二邊而無二邊如異故初
俱非中云本妙圓心乃以心字爲主次俱即云元
明心妙乃以妙字爲主次雙非即云妙明心元乃
以元字爲主心者真空也妙者妙有也元者本元
中道佛性也蓋自一心而觀何有萬法之差故一
切併非而云本妙圓心者猶言即中俗之真也自
萬法俱妙而觀則十界宛然故一切併即而云元
明心妙者猶言即中重之俗也自本元心性而觀
則雙遮二邊真俗俱遣雙照二諦真俗炳然而云
妙明心元者猶言即俗真之中道也又經爾前性

色真空性空真色等清淨本然周徧法界性中也
空真也色俗也並是橫論三諦之義次理體圓融
不圓融者若明二諦之理分界內界外則界內藏
教爲不融以彼偏真理在事外滅色方空故界內
通教理名圓融以言即色是空非色滅空故茲明
三諦彼通教豎義尚未具足况圓融乎故非所辨
今所辨者但對別教爲融不融耳蓋別教豎明中
道之理如雲外月迤出二邊現在真俗不即中道
故須先空次假破有破無此之中理方得分見是
故雖有三諦不稱圓融今經三諦既具二義以橫

融豎則無豎不橫以豎列橫則無橫不豎無橫不
豎則三三宛然無豎不橫則皆名一實妙諦三諦
俱實只一十界十界絕待獨一妙心斯則復名無
諦之諦故說真諦時則十界併非此名一空一切
空無有無中而不空以六凡俱非有亦空也二乘
俱非空亦空也佛與菩薩俱非中亦空也說俗諦
時則十界併即此名一有一切有無空無中而不
有以六凡俱即有亦有也二乘俱即空亦有也佛
與菩薩俱即中亦有也說中道時則十界俱非破
立此名一中一切中無空無有而不中以六凡俱

三 楞嚴義卷一

三

非破立有亦中也二乘俱非破立空亦中也佛與
菩薩俱非破立中亦中也又前性空真色即中真
而俗也性色真空即中俗而真也色空並不離性
即真俗而中也是故若言真諦者泯諸法名無相
而六凡被泯之且言無相矣二乘既亦泯豈非真
非真而真即俗乎佛菩薩既亦泯豈非中非中而
中道即真即俗乎真諦者泯情不泯法斯謂矣孰
謂真諦無相乎若言俗諦者立諸法是有相而六
凡被立之且言有相矣所立二乘真諦者有相乎
佛菩薩中道者有相乎俗諦者立法不立情斯謂
矣孰謂俗諦有相乎若言中諦者雙遮二邊法是
但中而六凡二乘之真俗被遮之且言不即矣佛
菩薩既亦遮豈非中非中而即二邊乎中諦者統
諸法斯謂矣孰謂中道不即乎良由常住真心具
足諸法即此諸法充塞太虛彼彼互具名如來藏
彼彼互遍名無盡燈雖一塵而十界三諦不少雖
剎那而十界三諦不多所謂如搗萬種香爲一若
燒一塵具足衆氣亦如剖梅檀栴檀若多若小
片片皆真故曰九界徒欲言之言則傷其實徒欲
思之思則喪其真所以如來掩室於摩竭淨名杜

口於毘耶法華三請而不說今經委曲而後談胎經云佛法如大海不說有是非凡夫賢聖人平等無高下法華云諸法寂滅相不可以言宣又云是法非思量分別之所能解今經云一切眾生皆由不知常住真心性淨明體用妄想此想不真故有輪轉皆此謂也此之妙法乃諸佛如來所諦故經云我以不滅不生合如來藏云云法華云唯佛與佛乃能究盡諸法實相佛今說之欲令行者全以此諦為脩首楞大定之本得此為本則心心法界事事圓融常住妙果即法圓成觀音智門當念


楞嚴義卷三

三

具足此所謂以不生不滅為本脩因而求不生不滅之果者也三可壞不可壞者三藏所詮理在事外要須滅色然後入空此則六凡之俗須壞夫真諦者真必即俗滅色之空非真空也此則二乘之真可壞通教之色雖云即空而未嘗云空即是色以空不即色故必灰身滅智此亦六凡之俗須壞壞俗後直真非畢竟此則二乘之真可壞別教中道既不即邊離中之邊故演雙遣此則八界真俗皆壞夫中必真俗彼云迥出二邊離邊之中豈是究竟故佛菩薩中道之理可壞問別教真俗不即

中道或云可壞中道佛性豈可壞乎答若論中理實不可壞今言壞者據彼教道所詮耳豈唯別教中道即前三教所有九界真俗若論理體又孰能壞但彼真教偏小自於夷途作跌好身刺瘡耳故天台云此理灼然世間常住有佛不能並無佛不能損得之不為高失之不為下名之為佛理佛也今經三諦乃是稱此本理而說故真則十界三諦俱非俗則十界三諦俱即中則十界三諦俱非破立真則俱非且言十界三諦可壞俗則俱立中則俱非破立何所言壞乎須知真乃即中俗之真

俗乃即中真之俗非之則法界炳然即之則情謂閱爾經文若此孰能誣哉是為理究竟



大佛頂首楞嚴經玄義卷第二

天台山幽溪沙門 傳燈 述

次明智究竟者三智也名義出大品般若及釋論所謂一切智道種智一切種智欲成此智必藉觀因空觀為因證一切智假觀為因證道種智中觀為因證一切種智若就理實論則觀之與智皆通因果例如佛性通於因果別則因名佛性果名涅槃今就別義一往分觀因智果也此之三智在今經中因名妙奢摩他三摩禪那若論其果出名則有多處如首卷中云無始菩提涅槃元清淨體云

楞嚴義卷三

乙

云二卷云此見及緣元是菩提妙淨明體等此皆即因心以指果德也七卷初地云於大菩提善得通達此指分證果德也十卷云圓滿菩提歸無所得此指究竟果德也云云今例前三諦以分二種一豎合十界三諦之三智二橫合十界三諦之三智初義者釋論明兩種三智初為易解故分對三人聲聞對一切智菩薩對道種智佛對一切種智是則一切智豎合聲聞緣覺法界之真諦也道種智豎合六凡法界之俗諦也一切種智豎合佛菩薩法界之中諦也二橫合十界三諦之三智者論

約三人對三智已復云三智實在一心中得概一觀而三觀觀於一諦而三諦一諦三諦與今真則十界三諦俱非義同一觀三觀與今妙奢摩他三摩禪那義同諦是智之所諦觀是智之所因既有所諦之境必有能諦之智既有三止之因必有三智之果蓋是經文總略但云我以不滅不生合如來藏耳況不滅即寂滅不生即無生寂滅忍是究竟三智之總體無生忍是分真三智之總體以此義例是則應云我以不滅不生一切智合如來藏之真而十界三諦併非等云云也辨此為三初名

義周足不周足二智體圓融不圓融三名體俱轉
不俱轉初義者藏通二教因既單修空觀果智豈
能周足故釋論唯用一切智以對二乘若別教次
第修乎三觀登於十住空觀成證一切智即釋論
分對聲聞果也登於十行假觀成證道種智即釋
論分對菩薩果也登於初地及妙覺中觀成證一
切種智即釋論分對佛果也如此次第唯是豎合
十界三諦之義耳若今經三智則具足橫豎二義
如我以不滅不生合如來藏真諦則十界三諦并
非非六凡俗諦者一切智也非二乘真諦者道種

智也非佛菩薩中道者一切種智種類知也約豎
義雖有三種望橫義祇是一切智耳以一切併非
為主故次我以不滅不生合如來藏俗諦則十界
三諦併即即六凡俗諦者道種智也即二乘真諦
者一切智也即佛菩薩中道者一切種智寂滅相
遮二邊也約豎義雖有三種望橫義祇是道種智
耳以一切併即為主故又次我以不滅不生合如
來藏中道則十界三諦俱非破立六凡俗諦俱非
破中道雙照之道種智也俱非立中道雙照之一
切智也雙俱非破立中道雙遮之一切種智也二

三教義義卷二

三

乘真諦俱非破中道雙照之一切智也俱非立中
道雙照之道種智也雙俱非破立中道雙遮之一
切種智也佛菩薩中道俱非破一切種智雙遮二
邊也俱非立一切種智雙照二邊也雙俱非破立
一切種智寂滅相種種行類皆知也約豎義雖有
三種若望橫義祇是一切種智耳以俱非破立為
主故此則祇一不滅不生合如來藏三諦而橫豎
二種三智悉得具足矣二智體圓融不圓融者別
教三智但今經三智中之一豎義耳豈足以稱圓
融今經三智如上所論若以橫豎豎則有三三以

豎望橫仍是一三三三相即三亦無寄一三三三
唯是一心故經唯以一不滅不生而當之矣蓋三
諦者所合之境也三智者能合之心也諦既即一
而三智亦即三而一矣又諦如用底智如用蓋豈
唯際畔相當亦乃諦智冥泯泯而無際獨一常心
故經云我以不滅不生合如來藏而如來藏唯妙
覺明圓照法界天台立境智四句云智照於境境
照於智智照於智境照於境並此圖照法界其義
善符三名體俱轉不俱轉者前之三教因行既昧
性具三觀皆成別修是故至果不唯名轉體亦須

三教義義卷二


四

轉今經圓止雖曰一是性具二是修成乃全性起
修修非別有是故終日修而無修終日作而無作
蓋以佛之自諦而為大定之本一皆全修在性
故也故天台釋三般若云般若若名實慧實相般若
非寂非照即一切種智文與今禪那寂照不二義
同又云觀照般若若寂而寂即一切智文與今奢
摩他寂靜義同又云方便般若若非照而照即道種
智文與今三摩觀照義同是則今之三智雖從勝
而受大菩提圓滿菩提等之稱其實體無所轉蓋
因果皆不異於寂照義故經云是名妙蓮華金剛

王寶覺此其是也是名智究竟

圖之三智融圓合智三融圓

智照於境
惟妙覺明
圓照法界
智照於智
境照於境



第三斷究竟者用前三種智慧以斷三惑也一見
思惑從解等得名即利鈍十使分品有八十八
十一之夥此障真諦理二塵沙惑從所障諦理得
名以法門如塵沙之多一一不能了知故此障俗
諦理三無明惑不了法界無所明也大有四十
二品此障中諦理此三惑名義在今經中但出見
思無明兩惑經云我等今者二障所纏良由不知
寂常心性解云煩惱所知名為二障煩惱障謂根
本及隨此即見思惑所知障亦云智障障一切種
智故此即無明惑又云一切眾生不成菩提及阿

羅漢皆由客塵煩惱所誤此說見思惑又云清水
現前名為初伏客塵煩惱去泥純水名為未斷根
本無明此說見思無明兩惑又云得須陀洹果已
滅三界見所斷惑然猶未知根中虛習彼習要因
修所斷得何況此中分剎頭數見修所斷即見思
惑分剎頭數即無明惑云云所以經中不言塵沙
者以克論諦理但有中真則能障之惑亦只兩種
故煩惱所召生死亦分段變易而已但此真中過
在十界依正之上即此十界名之為俗以性具故
稱為諦理故諸佛二障既除二諦理顯神通妙用

三教義義卷三

六

皆從此發故得名為無謀而應華嚴一微塵中出
大千經卷此之謂也今經三諦所以不離十界而
辨亦是此意若然則惑祇有二何得立三答此有
三意一因別人不知性具要須別學是以十住菩
薩知所入空未是畢竟乃從空入假於無量劫遍
習遍學導利羣品故名塵沙二圓人既知心性本
具則一切眾生不唯不見真中二理亦復不得本
有妙用障真中者是二惑矣障妙用者豈不又是
一惑但圓人不須別破此惑初心直下稱性觀中
至於觀成自然而斷故種種法門稱性施設故止

觀云圓教十信六根淨時即能遍見十法界事五
品正行六度廣能說法皆是入假之位又初心之
人能知如來秘密之藏圓觀三諦尚能即中豈不
能即假乎三者例能觀之觀諸經既立有三則所
破之惑亦依義立三美問若諸佛二障除已真中
之理方顯神通妙用皆從此發名之為俗是則先
應破見思無明然後斷除塵沙何故塵沙先破方
斷無明答若定理而論誠宜破盡無明俗諦之理
方究竟顯今破見思惑便言破塵沙顯俗諦者良
由見思塵垢先落又侵界外無明塵垢中理雖未

不覺義卷二

七

現前俗諦亦得相似而顯化導之功亦得少分無
謀而應菩薩既急在度生即乘此以導利羣品以
此少分見者得名塵沙惑斷俗諦理顯也問見思
以五利五鈍為體塵沙無明以何為體答無明無
別體相即以見思為體但塵細差殊有界內界外
之分故天台云別教三十心斷界內見思伏界外
見思無明十地斷界外見思無明若圓教十信斷
界內見思圓伏界外見思無明發趣初心斷界外
見思無明終至等覺方盡故地持明清淨淨禪云
離一切見清淨淨禪大涅槃云十地菩薩為無我

見論惑所轉又云十地菩薩雖見佛性而不了了
諸佛如來見於佛性而得了了此皆約見惑盡不
盡故有了了不了了等殊也問界外見思為只有
四十二品為更多耶答今言四十二品者以大乘
經論多說分真及究竟有四十二位故大約作此
數耳若論無明重數豈有品量蓋入位轉深能斷
之智轉利於一位中難定斷若干品惑故大師云
後心菩薩無功用道其疾如風一日之間能破無
量品無明惑障何況纓絡經明等覺地於百千萬
劫入重玄門報修凡夫事乎今例前諦智分二種

斷義一堅斷障十界三諦無明二橫斷障十界三
諦無明辨此為三初名義全不全二伏斷次不次
三無明斷不斷初義者界內二教既不論中道之
理無明名字尚不得聞何況伏斷是故極至果頭
但只堅斷四二乘真諦見思惑而已若別教所詮
雖名但中能覆之惑別圓不異但彼要至初地緣
破一品極至妙覺破一十二品只成一往堅義非
如圓家橫堅具足登於初住即破無明竟至妙覺
共四十二位須破四十二品方名究竟故今經初
住即能十用涉入圓成一心如是重重單破十二

方盡妙覺也次伏斷次不次者別人修因既先空
次假後中伏斷之時豈能不次是故至於十信方
伏界內見思十住斷界內見思無斷界內上品塵
沙十行斷中品塵沙十回斷下品塵沙至此方伏
無明登於初地方破無明是為堅伏堅斷義也今
經外九即能用一心三智圓伏障十界三諦之惑
故乾慧地中即云欲愛乾枯根境不偶現前殘質
不復續生等經歡彈指超無學亦此意也十種信
心名為內九界內見思自然先落故初信即云圓
妙開敷從直妙圓重發真妙等云云若登初住斷

不覺義卷三

九

一品無明證一分三德十種大果分得現前現十
界身百界作佛故經云是善男子以真方便發此
十心心精發輝十用涉入圓成一心名發心住從
於此去極至妙覺無明轉轉破功德轉轉勝是為
一斷一切斷也問既云一斷一切斷云何信位先
斷見思及以塵沙答四教儀云圓人本期不斷見
思及以塵沙意在入住斷無明見佛性雖不期斷
而見思塵垢自然先落譬如冶鐵意在成器器雖
未成塵垢先落雖見先落其人無一念欣心以未
遂所期故故妙玄云同除四住此處為齊若伏無

明三藏則劣斯則名為以橫伏堅以堅破橫以橫
伏堅故初心五住煩伏以堅破橫故見思塵垢先
落故阿難問云又此五陰為併消除為次第盡如
來答云此五陰元重疊生起生因識有滅從色除
理則頓悟乘悟併消事非頓除因次第盡問若橫
伏亦橫破而言圓勝於別可爾既橫伏堅破與別
不異又何貴于橫伏乎答若堅伏堅破成功則難
橫伏堅破奏動則捷如澄濁水愚人則旋取旋登
故遲迴日久智者總取置一大器雖百千斛日可
須得滿此喻則圓別勝劣較然矣三無明斷不

不覺義卷三

十

斷者別教但明斷無不斷義以常住佛性名為但
中生宛煩惱皆非性具故空觀破見思已六九法
界隨壞假觀破塵沙已二乘法界隨壞中觀破無
明已已界菩薩亦壞至於果地自謂蕭然為緣
理斷九非今所論今之圓教則具斯二義謂亦斷
亦不斷言不斷者以圓人悟一切法皆是性具離
苦提無煩惱離煩惱無苦提煩惱不能障菩提菩
提不能破煩惱故淨名云佛為增上慢人說斷疑
怒癡名為解脫無增上慢者疑怒癡名為解脫無
行經云疑怒即是道又云六十二見為如來權即

六根六塵而無限闊只眼中見色亦眼中入三解
脫門華嚴明十眼乃至六眼皆明於一塵中具十
方三世諸佛八相成佛轉法輪度眾生等事涅槃
云誰有智慧誰有煩惱而言毘婆舍那能破煩惱
今經云五陰六入本如來藏常住妙明又彰自證
中十界皆集皆即元明心妙此等諸經皆說不斷
而明了也言斷者前不斷之言蓋約至理虛玄無
明體相本自不有以開眾生之情計耳究論成佛
何處有天生彌勒自然釋迦且淨名云若無增上
慢人疑怒癡即是解脫者今人誰無增上慢乎若